
Bosna i Hercegovina
Federacija Bosne i Hercegovine
Tuzlanski kanton
Općina Gračanica



Bosnia and Herzegovina
Federation of Bosnia and Herzegovina
Canton of Tuzla
Gračanica Municipality

TELEFONI: Centrala: 035/700-800, 700-872

TELEFAX: 035/707-000

Zapisnik

sa 1. (konstitutivne) sjednice Lokalnog ekonomskog vijeća Gračanica

Sjednica je održana u četvrtak, 14.12.2017. godine sa početkom u 13:00 sati, u Multimedijalnoj sali Općine Gračanica.

I PRISUSTVO:

Od pozvanih **26** članova LEV-a, sjednici je prisustvovalo **18** članova LEV-a, 2 predstavnika GIZ EU ProLocal programa, novinari Radio Gračanice, WTV i RTV TK i ostali.

Prisutni:

Članovi LEV-a (18): Nusret Helić - načelnik Općine, Sead Terzić - Plastex d.o.o., Suad Helić - RPC Superfos d.o.o., Said Karalić - Kovan MI d.o.o., Ramiz Grapkić - Jadrina d.o.o., Nermin Avdagić - Radial d.o.o., Refik Ahmuljić (u ime Rasima Husića) - ZZ Gračanka, Kemal Hamzić - Klaus Lehman d.o.o., Sead Gazibegović - JP „Elektrodistribucija“, Redžo Alihodžić - JU MSS Gračanica, Mirza Hodžić - Općina Gračanica, Senad Memić - JP „Komus“, Aida Hodžić - Općina Gračanica, Nihad Sinanović - Općina Gračanica, Fernada Helić Čamdžić - Općina Gračanica, Sead Jahić - Udruženje poslodavaca Općine Gračanica, Hasan Omerović - Udruženje obrtnika Općine Gračanica, Abida Jahić - Udruženje poljoprivrednika Općine Gračanica

Predstavnici GIZ EU ProLocal programa: Milenka Knežević, Milijana Zdravković Mihajlov

Mediji: Sadmira Dedić - Radio Gračanica, Jasminka Babić – WTV, Fahrudin Kurtović - RTVTK

Ostali: Lejla Čolo - Općina Gračanica, Nusreta Ćosić - Općina Gračanica, Elvira Bašić - Općina Gračanica

Opravdano odsutni članovi LEV-a (8): Faruk Širbegović - Širbegović Inženjering d.o.o., Vahid Brkić - Trgovir d.o.o., Samir Ćurić - Plamingo d.o.o., Mujo Hasić - Variplast d.o.o., Hasan Avdić - SAX d.o.o., Fuad Alić - JP „Vodovod i kanalizacija“, Minka Kurtović - JU Gimnazija „Dr. Mustafa Kamarić“, Nedžad Peljto - JU BKC Gračanica.

Sjednicu vodi Općinski načelnik Nusret Helić, predsjednik LEV-a uz asistenciju predstavnice GIZ EU ProLocal programa g-đe Milijane Zdravković Mihajlov.

Budući da je nakon uvodne riječi zaključeno da postoji kvorum za rad, jednoglasno je usvojen sljedeći predloženi

DNEVNI RED:

1. Upoznavanje članova LEV-a sa Javno privatnim dijalogom, kratka prezentacija dosadašnjih aktivnosti Odsjeka za lokalni ekonomski razvoj (LER), kratka prezentacija reorganizacije Odsjeka za LER.
2. Usvajanje Poslovnika o radu Lokalnog ekonomskog vijeća
3. Izbor potpredsjednika LEV-a
4. Pitanja inicijative, prijedlozi, sugestije članova LEV-a

Ad1: Lokalno ekonomsko vijeće (LEV) Gračanica formirano na je na temelju Rješenja Općinskog načelnika g-dina Nusreta Helića, s namjerom da se uspostavi konkretan okvir za upravljanje lokalnim ekonomskim razvojem zajednice i unapređenje poslovnog okruženja u Općini. LEV je sastavljeno od predstavnica/ka privatnog, javnog i nevladinog sektora, a mandat traje dvije godine. Predsjednik LEV-a g-din Nusret Helić je istakao da je Općina puno radila na organizaciji i reorganizaciji Općine, kako bi ojačali Odsjek čija će isključiva nadležnost biti da zajedno sa privrednicima stvara povoljni poslovni ambijent i radi na razvoju lokalne zajednice.

Prezentovani su dosadašnji rezultati rada na lokalnom ekonomskom razvoju, fokusi i prioriteti LER-a Općine Gračanica definisani strategijom i samoprocjenom u okviru EU ProLocal programa (g-đa Fernada Helić Čamdžić). – link za prezentaciju

Podršku LEV-u Gračanica dale su predstavnice programa GIZ EU ProLocal.

Prezentovani su uloga i djelokrug djelovanja LEV-a (g-đa Milijana Zdravković Mihajlov).

Također su predstavljeni Novi fokusi, uloge i funkcije odsjeka za LER - Prijedlog pravilnika o organizaciji i sistematizaciji LER jedinice (g-đa Milenka Knežević), jedinica za LER će isključivo biti servis privrednicima, te bi se Općina više fokusirala na pitanja razvoja MSP-a i privlačenja domaćih i stranih investicija. Druga značajna funkcija Odsjeka za lokalni ekonomski razvoj je uloga budućeg Centra za podršku privrednicima/investitorima (BSC) kao alternativa On stop shop-u, tj. planirano je uspostavljanje funkcija BSC-a unutar postojećeg Odsjeka, koje bi pružale informacije o finansiranju start-up poduzeća, MSP, investitora te o poslovnim i investicijskim prilikama (dijaspora), kontaktiranje sa investitorima, privrednicima, organizovanje sajmova, B2B susreta, izrada analiza na osnovu baze podataka.

Učešće u raspravi po prvoj tački dnevnog reda su uzeli: g-din Nusret Helić, g-đa Fernada Helić Čamdžić, g-đa Milenka Knežević, g-đa Milijana Zdravković Mihajlov

Ad 2: Na sjednici je donesen prijedlog Poslovnika o radu LEV-a, koji je jednoglasno usvojen.

Ad 3: Za potpredsjednika LEV-a predložena su dva predstavnika iz privatnog sektora, s obzirom da predsjednik dolazi iz javnog sektora, a to su: Sead Terzić, Plastex d.o.o. Gračanica i Said Karalić, MI Kovan Gračanica. Sa 12 glasova ZA izabran je Sead Terzić.

Ad 4: G-đa Milijana Zdravković Mihajlov je zamolila da se iznesu prijedlozi za naredne sjednice, svaki prijedlog dobro došao, jer će LEV kao tijelo uzeti u razmatranje sve društvene, ekonomske i socijalne inicijative na cijelom području općine Gračanica, ako je potrebno formirat će se sektorske i druge grupe. Konstatovano je da je predloženi način komuniciranja odgovarajući, da se po potrebi sazivaju sastanci radnih grupa, tj. manji sastanci ukoliko to inicijative zahtijevaju, itd

Na sjednici LEV-a izneseni su prijedlozi, mišljenja, inicijative i neki problemi s kojim se susreću privrednici, realnom sektoru se nema razloga umanjivati vrijednost, problemi su na višim nivoima vlasti, u ljudima koji nisu stručni u privredi. Potpredsjednik g-din Sead Terzić rekao je da se već dugo pokušava uspostaviti ovakvo tijelo i da zahvaljujući LEV-u sve što privrednici misle, mogu iznijeti javno te da je bilo inicijativa privrednika sa područja Općine Gračanica, koje su prema višim nivouima iznošene udruženo sa lokalnom zajednicom. Istakao je da je ključan problem nedostatak električne energije u poslovnoj zoni bez koje nema razvoja realnog sektora. Nemoćni smo da riješimo problem, elektrodistribucija je u vlasništvu države, a treba nam nova trafo stanica koja snabdijeva industrijske objekte jer se sprema 8 novih investicija. Također je evidentan nedostatak kvalificirane radne snage. Formiranje LEV-a trebamo prenijeti u javnost, matematičkom progresijom.

G-din **Sead Jahić** je rekao da je formiranje LEV bilo jako potrebno, Udruženje poslodavaca je popunjavalo ovaj prostor mnoge probleme (dozvole, saglasnosti...) su obradili zajedno sa lokalnom zajednicom, javnim preduzećima. Današnja sjednica je više svečanog karaktera a trebamo se baviti realnim problemima. Udruženje poslodavaca je dalo amandman na Nacrt Zakona o javno-privatnom partnerstvu TK koji se odnosi na mogućnost da i privatnici mogu davati inicijative. LEV s obzirom na sastav, treba da nastavi tim putem i bavi se sljedećim problemima: u Gračanici, mnogo veći problem od pokretanja binisa je kako ga održati (99 %), jer su male kompanije su nabavile opremu, tehnologiju, ljude, osvojile zahtjevna evropska tržišta, i onda ne mogu da ispune očekivanja i to ne znači da stagniraju nego da padaju; rješavanje infrastrukture, školstva, privlačenje kadrova u Gračanicu, LEV ima priliku da se suočava sa tim problemima, i da ih rješava jednog po jednog; imamo i problem autobuske stanice, da li na mjestu postojeće autobuske stanice da se naprave garaže, to ima veze sa javnim prevozom koji ima veze sa zapošljavanjem. Treba pokrenuti puno širi projekat i prepoznati pogrešne inicijative.

G-din **Sead Gazibegović** je predložio s obzirom da je konstitutivna sjednica, da na prvoj sjednici u 2018. godini 1. tačka dnevnog reda bude električna energija, to je neophodno. Prije godinu dana u Udruženju privrednika smo pokrenuli tu inicijativu, koja je rezultirala kakvim-takvim rješenjem, koje nije ni blizu traženog, ali će privreda preživjeti.

G-đa **Aida Hodžić** je napomenula da u okviru MEG projekta, u kojem Općina učestvuje, UNDP ocjenjuje rad Općine pa i odnos Općina – privreda. Članovima LEV-a će biti dostavljeni upitnici putem e-maila, pa su zamoljeni da ih popune i pošalju, da bi Općina imala informacije šta bi trebalo da se radi. Iz Elektrodistribucije nama nisu vjerovali koliko nam električne energije treba.

Učesnici u diskusiji po 4. tački dnevnog reda: g-din Nusret Helić, g-đa Milijana Zdravković Mihajlov, g-din Sead Terzić, g-din Sead Jahić, g-din Sead Gazibegović i g-đa Aida Hodžić.

Nakon rasprave zaključno je da se na prvoj narednoj sjednici LEV-a razmatra problem snabdijevanja industrijske zone dovoljnim količinama električne energije.
Sjednica je završena u 15:00 časova.

Gračanica, 14.12.2017. godine

Zapisničarka

Predsjednik LEV-a

Lejla Čolo

Nusret Helić, Općinski načelnik